

## **Forslag til Regionrådet 27.05.16**

### **Mandat - Utval for nærings- og samfunnsutvikling i Region Nordhordland**

Mandat for Utval for nærings- og samfunnsutvikling er heimla i Regionrådet sin strategi for interkommunalt samarbeid og er nedsett av Regionrådet. Mandatet er godkjent av Regionrådet i møte 27. mai 2016.

#### **Målsetting**

Utvalet for nærings- og samfunnsutvikling skal vera Regionrådet sitt organ for politisk samarbeid innan fagområda. Det skal vera eit organ som arbeider med overordna strategisk satsing og utviklingsarbeid på vegne av heile regionen.

#### **Arbeidsoppgåver**

Utval for nærings- og samfunnsutvikling skal vera eit koordinerande organ for samarbeid innan næring og samfunnsutvikling. Utvalet skal på vegne av Regionen ha fokus på saker som er viktig for regionen innan nærings- og tenesteutvikling, samferdsel (kollektiv, veg, bru, trafikktryggleik RTP, NTP m.v.), bu- og arbeidsområde og reiseliv. Utvalet får oppgåver frå - og rapporterer til Regionrådet. Utvalet kan sjølv ta initiativ til - og fremja saker for Regionrådet.

Utvalet skal:

- ha fokus på oppfølging av tiltak i «Interkommunal plan for nærings- og samfunnsutvikling»
- vera eit samlande organ i høve kommunane sine innspel til samferdsel og kollektivtilbod og digital infrastruktur
- ha kontakt og dialog med næringslivet og vidareføra dialog med Nordhordland Næringslag, Osterøy Industrilag, Gulen og Masfjorden Næringsråd m.v.
- ha kontakt og dialog med virkemiddelapparat som Industriutvikling Vest , Nordhordland Næringshage, Gulen og Masfjorden Næringshage m.v..
- følgja opp organiseringa av og leggja til rette for utvikling av reiselivet i Nordhordland
- ha fokus på at vidaregåande skular i regionen er tilpassa det offentlege og private tenestetilbodet
- vera eit rådgjevande organ for Regionrådet når det gjeld saker innafor mandatområdet

Utvalet kan på eige initiativ oppretta arbeidsgrupper/ad-hoc utval.

#### **Organisering/samansetjing**

Utvalet består av tre ordførarar (valt av Regionrådet) og har sekretær frå NUI. Medlemmene vert valt for 4 år(valperioden). Leiar og nestleiar er utpeika av Regionrådet.